

REGIONAL NEWS UNIT
ALL INDIA RADIO, AGARTALA
Date: 11-05-2024
Time: 07:55-08:05 PM Hrs
BENGALI EVENING BULLETIN

Headlines :

- (১) ধর্মনগরে ইন্ডিয়ান ওয়েলের ডিপোতে আজ মোট ঊনপঞ্চাশটি রেকে করে চৌদ্দ লক্ষ লিটার পেট্রোল এবং কুড়ি লক্ষ ত্রিশ হাজার লিটার ডিজেল পৌঁছেছে ।
- (২) রাজ্যে আজ চলতি বছরের দ্বিতীয় জাতীয় লোক আদালত অনুষ্ঠিত হয় ।
- (৩) দক্ষিণ এশীয় আঞ্চলিক সহযোগিতা সংস্থা, সার্কের মহাসচিব মোঃ গোলাম সারওয়ার ভারতে তার প্রথম সরকারি সফরে নতুনদিল্লি পৌঁছেছেন ।
- (৪) ছত্তিশগড়ের নারায়নপুরে স্বামী বিবেকানন্দ জাতীয় অনূর্ধ্ব-২০ বছরের বালক বিভাগে ফুটবল প্রতিযোগিতায় ত্রিপুরা গ্রুপের প্রথম ম্যাচটি আজ ড্র করেছে ।

Petrol-Diesel :

রাজ্যে পেট্রোল ও ডিজেলের সংকটের অবসান হবে আগামীকালের মধ্যেই। প্রায় এক পক্ষকাল পর রাজ্যে পৌঁছেছে পেট্রোল ও ডিজেল বোঝাই একটি পণ্যবাহী ট্রেন। আজ দুপুরে

ধৰ্মনগৰে ইন্ডিয়ান ওয়েলের ডিপোতে মোট ঊনপঞ্চাশটি বেকে
কৰে চৌদ্দ লক্ষ লিটার পেট্ৰোল এবং কুড়ি লক্ষ ত্ৰিশ হাজাৰ
লিটার ডিজেল পোঁছেছে। ইতিমধ্যে ধৰ্মনগৰ ডিপোতে পেট্ৰোল ও
ডিজেল আনলোডিং শুরু হয়েছে। ইন্ডিয়ান ওয়েলের স্থানীয়
কৰ্তৃপক্ষ জানিয়েছেন, আশা কৰা যাচ্ছে আজ ৰাতেৰ মধ্যেই
ট্যাংকাৰে পেট্ৰোল ও ডিজেল লোডিং-এৰ কাজ শুরু কৰা যাবে।
এদিকে, আজ ৰাতেই ধৰ্মনগৰে এসে পোঁছুবে আৰো ১টি
পণ্যবাহী ট্ৰেন। এতে ২৪টি ওয়াগনে রয়েছে ১৬ লক্ষ ৮০ হাজাৰ
লিটার ডিজেল।

Lok Adalat :

ৰাজ্যে আজ চলতি বছৰেৰ দ্বিতীয় জাতীয় লোক আদালত
অনুষ্ঠিত হয়। ত্ৰিপুৰা হাইকোর্ট ছাড়াও ৰাজ্যেৰ সব জেলা এবং
মহকুমা আদালত চত্বৰে বসে এই লোক আদালত। আজকেৰ
লোক আদালতে ৰাজ্যে মোট ৪২টি বেঞ্চে ১৭,৯৩৮টি মামলা
নিষ্পত্তিৰ লক্ষ্যমাত্ৰা নেয়া হয়েছিল। এৰ মধ্যে মামলা পূৰ্ববৰ্তী
বিৰোধ সংক্ৰান্ত ৪,০৭৪টি বিষয় এবং আদালতে বিচাৰাধীন
১৩,৮৬৪টি মামলা রয়েছে। এৰমধ্যে ত্ৰিপুৰা হাইকোর্টে একাটি
বেঞ্চেও বেশকিছু মামলা নিষ্পত্তিৰ জন্য তোলা হয়। উল্লেখ্য, গত
৯ই মাৰ্চ এই বছৰেৰ প্ৰথম জাতীয় লোক আদালতে একদিনে ১০
হাজাৰ ৪৪টি মামলাৰ নিষ্পত্তি হয়েছিল।

Lok Adalat-Unakoti :

কৈলাশহর আদালত প্রাঙ্গণে আজ অনুষ্ঠিত হয়, এই বছরের দ্বিতীয় জাতীয় লোক-আদালত। মোট পাঁচটি কোর্টে এই লোক-আদালত বসে। আয়োজনে ছিল, জেলা আইনসেবা কর্তৃপক্ষ। আজকের লোক-আদালতে সর্বমোট ৬১৬টি নিষ্পত্তিযোগ্য মামলার নিষ্পত্তি হয়েছে বলে জানিয়েছেন জেলা আইনসেবা কর্তৃপক্ষের সচিব বিচারক দীপা ভট্টাচার্য। জরিমানা বাবদ সংগৃহীত হয়েছে, ২ লক্ষ ৮ হাজার ৫৭০ টাকা। মামলার মধ্যে ছিল, অনাদায়ী ব্যাঙ্ক ঋণের মামলা, দাম্পত্য বিরোধ, মোটরযান সংক্রান্ত ক্ষতিপূরণের মামলা, ত্রিপুরা পুলিশ আইনের নিষ্পত্তিযোগ্য মামলা ইত্যাদি। উল্লেখ্য যে, আইনসেবা কর্তৃপক্ষ আইন -১৯৮৭ এর অধীনে লোক-আদালতকে বিধিবদ্ধ মর্যাদা দেওয়া হয়েছে। ঊনকোটি জেলার অতিরিক্ত জেলা ও দায়রা জজ অমরেন্দ্র কুমার সিং জানান, দ্রুত ও সহজে নিষ্পত্তিযোগ্য মামলার সম্মানজনক মিমাংসার জন্য লোক-আদালতের আয়োজন।

Lok Adalat-Sepahijala :

সিপাহীজলা জেলার বিশালগড় ও সোনামুড়া আদালত চত্বরে আজ দ্বিতীয় জাতীয় লোক আদালত অনুষ্ঠিত হয়। সিপাহীজলা জেলা আইনসেবা কর্তৃপক্ষের উদ্যোগে আয়োজিত এই লোক-আদালতে ২টি আদালত চত্বরেই ৩টি করে মোট ৬টি বেঞ্চ বসেছিল। সোনামুড়া আদালতে মোট ১৪৫৪টি মামলা ও বিশালগড় আদালতে ২১১৯ মামলা নিষ্পত্তির লক্ষ্যমাত্রা নিয়ে সকালে থেকে শুরু হয় এই লোক-আদালতের কাজ। মামলা নিষ্পত্তির উদ্দেশ্যে লোক-আদালতে আসা মানুষের উপস্থিতি ছিল লক্ষ্যণীয়।

CM-Election Rally :

মুখ্যমন্ত্রী অধ্যাপক ডাঃ মানিক সাহা আজ লোকসভা নির্বাচনের প্রচারে পশ্চিমবঙ্গের বীরভূমের বিজেপি প্রার্থী দেবতনু ভট্টাচার্যের সমর্থনে একটি নির্বাচনী রেলিতে অংশগ্রহণ করেন। রেলিতে অংশগ্রহণ করে মুখ্যমন্ত্রী বর্তমান রাজ্য সরকারের বিরুদ্ধে বিভিন্ন অনিয়মের অভিযোগ করেন। এই সমস্যা নিরসনে তিনি যুব সমাজকে এগিয়ে আসার আহ্বান জানান।

CPIM-Press meet :

সিপিআইএম রাজ্য সম্পাদক জিতেন্দ্র চৌধুরী আজ আগরতলায় এক সাংবাদিক সম্মেলনে অভিযোগ করেন, রাজ্যে বর্তমানে বহুমুখী সংকট চলছে। রাজ্যে এখন পর্যন্ত মোট তেমন কোন ঝড় বৃষ্টি বা প্রাকৃতিক বিপর্যয় ঘটেনি কিন্তু রাজ্যের বিভিন্ন অংশে সামান্য ঝড়-বৃষ্টিতে ৬-৭ দিন যাবত বিদ্যুৎ বিচ্ছিন্ন হয়ে যাচ্ছে। চলছে পানীয় জলের সমস্যা। এই পরিস্থিতি মোকাবেলায় রাজ্য সরকারের কোন ভূমিকা নেই বলে তিনি অভিযোগ করেন। তিনি বলেন, আজ আগরতলায় সিপিআইএম রাজ্য সম্পাদক মন্ডলীর এক সভা অনুষ্ঠিত হয়। সভায় রাজ্যের উদ্ভূত পরিস্থিতি নিয়ে আলোচনা করা হয়। সভায় সিদ্ধান্ত হয় সিপিআইএম দলের উদ্যোগে আগামী ১৩ থেকে ১৮ই মে সপ্তাহব্যাপী রাজ্যের বিভিন্ন স্থানে বিক্ষোভ প্রদর্শন এবং ডেপুটেশন প্রদান করা হবে। আগরতলায় আগামী ১৪ই মে বিক্ষোভ প্রদর্শন এবং প্রশাসনের কাছে ডেপুটেশন প্রদান করা হবে বলে শ্রী চৌধুরী জানান।

Update Akashvani :

শ্রোতাবন্ধুরা, আকাশবাণীর সংবাদ সহ বিবিধ খবরের বিস্তৃত আপডেট পেতে লগ ইন করুন - ডব্লিউ, ডব্লিউ, ডব্লিউ ডট, নিউজ অন এআইআর ডট কম এবং নিউজ অন এআইআর অ্যাপ, এবং টুইটার অর্থাৎ এক্স প্ল্যাটফর্মে। আপডেট পেতে দেখুন আকাশবাণী নিউজ আগরতলা / ফেসবুকে এআইআর নিউজ আগরতলা এবং ইউ টিউবে এআইআর নিউজ আগরতলা।

SAARC Sec.Gen :

দক্ষিণ এশীয় আঞ্চলিক সহযোগিতা সংস্থা, সার্কের মহাসচিব মোঃ গোলাম সারওয়ার ভারতে তার প্রথম সরকারি সফরে নতুনদিল্লি পৌঁছেছেন। সামাজিক মাধ্যমে, বিদেশ মন্ত্রকের মুখপাত্র রণধীর জয়সওয়াল বলেছেন যে এটি দক্ষিণ এশিয়ায় সহযোগিতা আরও জোরদার করার একটি সুযোগ। মোঃ সারওয়ার ভারতে পাঁচ দিনের সফরকালে একাধিক বৈঠক করার কথা রয়েছে। বিদেশ মন্ত্রক সূত্রে জানা যায়, মোঃ সারওয়ার পররাষ্ট্র প্রতিমন্ত্রী ডঃ রাজকুমার রঞ্জন সিং, পররাষ্ট্র সচিব বিনয় মোহন কোয়াত্রা সহ অন্যান্যদের সঙ্গে সাক্ষাৎ করবেন। তিনি "সার্কের ভবিষ্যত" বিষয়ে তৃতীয় শক্তি সিনহা স্মারক বক্তৃতা প্রদান করবেন এবং দক্ষিণ এশীয় বিশ্ববিদ্যালয় পরিদর্শন করবেন।

PM, Campaign :

প্রধানমন্ত্রী তথা বরিষ্ঠ বিজেপি নেতা নরেন্দ্র মোদি আজ সন্ধ্যায় ওড়িশার ভুবনেশ্বরে পৌঁছেন। তিনি আজ ভুবনেশ্বরে একটি রোডশোতে নেতৃত্ব দেন। আগামীকাল তিনি কান্ধামাল, বালান্দির এবং বারগড় লোকসভা সংসদীয় এলাকায় তিনটি নির্বাচনী জনসভায় ভাষণ দেবেন।

Haj Pilgrims felicitation :

ধর্মনগরের কদমতলা ব্লকের কদমতলা বাজার মসজিদে আজ এবছরের উত্তর জেলার হজযাত্রীদের সংবর্ধনা দেওয়া হয়। কদমতলা বাজার মসজিদ কমিটি এবং কদমতলা বাজার কমিটির পক্ষ থেকে জেলার ২১ জন হজযাত্রীকে সংবর্ধনা জানানো হয়। মসজিদে বিশ্ববাসীর শান্তির জন্য দোয়া কামনা করা হয় তাছাড়া হজ যাত্রীরা ভালোভাবে যাতে হজ করতে মক্কার উদ্দেশ্যে যেতে পারেন তার জন্য প্রার্থনা করা হয়। আজ দুপুরে ধর্মনগর রেলওয়ে স্টেশন থেকে আগরতলাগামী এক্সপ্রেস ট্রেনে করে রওনা দিলেন উত্তর জেলার হজ যাত্রীরা। তারা আজ আগরতলায় হজভাবে থাকবেন এবং আগামীকাল কোলকাতার উদ্দেশ্যে রওনা দেবেন। সেখান থেকে যাবেন মক্কার উদ্দেশ্যে। আসামের বদরপুর ও করিমগঞ্জ জেলা থেকেও হজ যাত্রীরা আজ আগরতলা বিমানবন্দর থেকে কলকাতার উদ্দেশ্যে রওনা দেবেন এবং সেখান থেকে মক্কার উদ্দেশ্যে রওনা দেবেন।

Social Awareness :

ভূ-উষ্ণায়ন রোধ ও নেশামুক্ত ত্রিপুরা গড়ার লক্ষ্যে সচেতনতার বার্তা ছড়িয়ে দিতে পীযুষ কান্তি রায় নামে এক ব্যক্তি ব্যতিক্রমী উদ্যোগ নিয়েছেন। সচেতনতামূলক বার্তা সমন্বিত প্লে-কার্ড নিয়ে আগরতলা থেকে উদয়পুরের মাতা ত্রিপুরেশ্বরী মন্দির পর্যন্ত পদযাত্রা শুরু করেছেন তিনি। ৬০ কিলোমিটারের এই যাত্রা শেষ হবে আগামীকাল। মায়ের মন্দিরে পৌঁছে পরিবেশ রক্ষা ও রাজ্যবাসীর কল্যাণে পূজা দেবেন তিনি। চলার পথে পথচলতি মানুষদের গাছ লাগানো, গাছের রক্ষণাবেক্ষণ ও যুব সমাজকে নেশামুক্ত থাকার আবেদন রাখছেন শ্রী রায়। এতে মানুষের যথেষ্ট সাড়াও পাচ্ছেন তিনি। মানুষ তার হাতে তুলে দিচ্ছেন ঠান্ডা জল, হালকা খাবার। সিপাহীজলা জেলার বিশালগড় এলাকায় দেখা গিয়েছে এমনই দৃশ্য।

Plantation :

বিধায়ক দীপংকর সেন সহ বাম ছাত্র-যুবরা আজ বৃষ্টি নামতেই বিলোনিয়া শহর এলাকার নানা জায়গায় গাছের চারা রোপণ করেন। এসএফআই ও ডিওয়াইএফআই-র উদ্যোগে আয়োজিত এই বৃক্ষরোপণ কর্মসূচিতে শহরের নানা জায়গায় গাছের চারা লাগানো ছাড়াও পথচলতি মানুষের হাতেও গাছের চারা তুলে দেওয়া হয় বলে জানান ডিওয়াইএফআই বিলোনিয়া মহকুমা সম্পাদক মধুসুধন দত্ত।

Nurse Day/ GB Hospital :

আগামীকাল আন্তর্জাতিক নার্স দিবস। এ উপলক্ষে রাজ্যজুড়ে সপ্তাহব্যাপী নানা অনুষ্ঠানের আয়োজন করা হয়েছে। আন্তর্জাতিক নার্স দিবস উপলক্ষে আজ আগরতলা জিবি হাসপাতালের চিকিৎসক নার্সিং আধিকারিকরা মিলে রক্তদান শিবিরের আয়োজন করেন। শিবিরের উদ্বোধন করেন জিবি হাসপাতালের মেডিকেল সুপার ডাঃ শংকর চক্রবর্তী। উপস্থিত ছিলেন ডেপুটি মেডিকেল সুপার কনক চৌধুরী সহ অন্যান্যরা।

Educationist Expired :

কৈলাশহরের প্রবীন শিক্ষাব্রতী, বিশিষ্ট প্রাবন্ধিক হরিপদ ভট্টাচার্য গতকাল রাতে শেষনিঃশ্বাস ত্যাগ করেছেন। মৃত্যুকালে তার বয়স হয়েছিল ৯৩ বছর। তিনি একাধিক বই রচনা করেছেন ও সাময়িকী এবং পত্র-পত্রিকায় নিয়মিত প্রবন্ধ লিখতেন। সদ্যপ্রয়াত হরিপদ ভট্টাচার্য এর প্রয়াণে বিভিন্ন প্রতিষ্ঠানের পক্ষ থেকে গভীর শোকপ্রকাশ করা হয়েছে।

Tree Plantation :

বিধান শিশু উদ্যান মেধা অন্বেষার গোমতী জেলা কমিটির উদ্যোগে আজ মির্জা দ্বাদশ শ্রেণি বিদ্যালয়ে ফুল, ফল ও সজ্জির চারা রোপন করা হয়। বৃক্ষরোপন অনুষ্ঠানে উপস্থিত ছিলেন সংস্থার গোমতী জেলার পেট্রন তথা বিধায়ক জিতেন্দ্র মজুমদার, সংস্থার রাজ্য কনভেনার শিক্ষক মনোজ রায়, গোমতী জেলার কনভেনার দীপঙ্কর দেব ও স্কুলের প্রধান শিক্ষক পুষ্পহরি দেববর্মা।

National U-20 Football :

ছত্তিশগড়ের নারায়নপুরে স্বামী বিবেকানন্দ জাতীয় অনূর্ধ্ব-২০ বছরের বালক বিভাগে ফুটবল প্রতিযোগিতায় ত্রিপুরা গ্রুপের প্রথম ম্যাচটি আজ ড্র করেছে। রামকৃষ্ণ মিশন মাঠে অরুণাচল প্রদেশের বিরুদ্ধে খেলাটি ২-২ গোলে শেষ হয়। ফলে উভয় দল এক পয়েন্ট করে পায়। রাজ্যদলের পক্ষে জন জমাতিয়া একাই দুটি গোল করে। রাজ্যদলের পরের দুটি ম্যাচ ১৩ মে আসামের বিরুদ্ধে এবং ১৫ মে মধ্যপ্রদেশের বিরুদ্ধে।

First Division Cricket :

ঘরোয়া প্রথম ডিভিশন লিগ ক্রিকেট প্রতিযোগিতায় আজ অনুষ্ঠিত তিনটি ম্যাচে কসমোপলিটান ক্লাব, চলমান সংঘ ও হার্ভে ক্লাব জয়লাভ করেছে। এম বি বি স্টেডিয়ামে কসমোপলিটান ক্লাব ৮৩ রানে পোলস্টার ক্লাবকে, নরসিংগড়ের টি আই টি মাঠে চলমান সংঘ ৮ উইকেটে বনমালীপুর ক্রিকেট ক্লাবকে এবং পুলিশ ট্রেনিং একাডেমি মাঠে হার্ভে ক্লাব ৮ উইকেটে ওল্ড প্লে সেন্টারকে পরাজিত করে।

Inter: School Cricket :

সদরের আন্তঃ স্কুল ক্রিকেট প্রতিযোগিতার আজ অনুষ্ঠিত দুটি খেলায় উমাকান্ত ইংলিশ মিডিয়াম স্কুল ও হিন্দি স্কুল জয়লাভ করেছে। নরসিংগড় পঞ্চায়েত মাঠে অনুষ্ঠিত খেলায় উমাকান্ত ইংলিশ মিডিয়াম স্কুল ৩২ রানে সেন্ট পলস্ স্কুলকে এবং তালতলা

মাঠে হিন্দি স্কুল ২৩ রানে আসাম রাইফেলস স্কুলকে পরাজিত করে। এদিকে দিনের অপর দুটি খেলা বৃষ্টিতে বাতিল হয়।

Weather :

আগামীকাল আকাশ সাধারণত মেঘাচ্ছন্ন থাকবে। কিছু কিছু জায়গায় বজ্র বিদ্যুত সহ হালকা থেকে মাঝারি পর্যায়ে বৃষ্টিপাতের সম্ভাবনা রয়েছে। তাপমাত্রা সর্বোচ্চ তেত্রিশ ডিগ্রী এবং সর্বনিম্ন তেইশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল একত্রিশ দশমিক পাঁচ ডিগ্রী এবং সর্বনিম্ন বাইশ দশমিক নয় ডিগ্রী সেলসিয়াস। আগামী চব্বিশ ঘণ্টায় রাজ্যের সব জেলায় বিক্ষিপ্তভাবে বজ্র বিদ্যুত সহ ঘণ্টায় চল্লিশ থেকে পঞ্চাশ কিলোমিটার বেগে ঝড়ো হাওয়া বয়ে যাওয়ার সতর্কতা জারি করেছে আবহাওয়া দপ্তর।
